



Inatsisartunut ilaasortaq  
Inatsisartut  
Anthon Frederiksen  
HER/

### § 37 naapertorlugu apeqqummut nr. 2015-211 akissut, tunitsiveqarneq pillugu

Inatsisartut suleriaasianni § 37, imm. 1 naapertorlugu aalisarneq pillugu apeqqutigineqarpoq. Apeqqut uannut akisassanngorlugu innersuussutigineqarpoq.

Apeqqut:

1. Aalisartut pingaartumik nunaqarfinni isorliunerusunilu tunitsiveqarnikkut qanoq qulakkeerunniarneqarpat ?
2. Aasaanerani tunisassiorfinni sulisussaaleqisarneq Naalakkersuisunit qanoq iliuuseqarfiginiarneqarpat ?
3. Aalisarnermik akuersissutinik aalisartut ilaasa ajornartorsiuteqarnerat Naalakkersuisut nalunaarusiorneq aqqutigalugu iluarsiivigisinnaanngilaa-at ?

(kan Naalakkersuisut ordne fiskeri licens problematikken for nogle af fiskerne ved at ændre bekendtgørelse herom)

Akissut:

1-mut:

Naalakkersuisut ilisimavaat aalisakkanik tunisassiorfinnut pilersuineq ukiup ingerlanerani nikerarsinnaasartorujussuusoq, tunisassiorfiit ukiumut qaammatit qulit missaanni suliarisinnaasaat inorlugu tunisisoqartarluni, qaammatinilu marlunni tunisassiorfiit suliarisinnaasaat qaangerujussuarlugit tunisisoqartarluni.

Aalisakkanik tunisassiorfinnut aalisakkat suliarisinnaasat sinnerlugit tulaassuineq akisarsarpoq aalisartunut sunniuteqarsinnaasumik, suliarineqarsinnaasut qaangerlugit aalisakkanik tulaassuineq aalisakkat tunineqartarnerisa akiinut toqqaannanngikkaluartumik sunniuteqarsinnaasarmat.

Naalakkersuisut anguniagaat tassaavoq aalisakkat nunatsinni naleqarnerulersissallugit tunisassiarineqartarnissaat. Taamaattumik Naalakkersuisunit piumasarineqarpoq saarullittassiissutigineqartut amerlanersaat nunami tunisassiarineqartassasut. Tamanna sinnerissap qanittuani, Kitaata avataani misileraalluni saarullinniarnermi kiisalu Tunumi pisassat amerlanersaannut saarullittassanut atuuppoq. Nunatta kitaata avataani saarullittassiissutigineqartut tulaanneqartussaataapput piumasaqaataallunilu saarullit tisallugit tunisassiarineqartarsimassasut. Saarullit tulaanneqartussaataanerisa kingunerisaanik nunami tunisassiorneq ataavortoq suliffiillu ataavartut qulakkeerneqartarput, tunisassiorfiit sinnerissap qanittuani saarullinniartut tulaassarinnaasaat kisiisa isumal-luutigijunnaarlugit. Naalakkersuisut nalilerpaat aalisakkanik tunisassiorfiit siunissamut ungasinnerusumut tunisassiaminnik pilersaarusiornissaminnut periarfissaqartinne-

25-08-2015  
Sags nr. 7515  
Dok. nr. 964951

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

qalerpata, suliffissanik aalaakkaanusunik pilersitsinissamik tamanna kinguneqassa-soq.

2-mut:

Tunisassiornerup iluani aasaanerani sulisussaaleqisarneq arlalinnik ataasiakkaaginnarnillu aallaaveqanngillat.

Naalackersuisut inatsisartut 2015-imi ukiaanerani ataatsimiinnissaannut nuttarnerulersitsiniarluni tapiissutit pillugit Namminersorlutik Oqartussat nalunaarutaat naleqqussaavigissallugu siunnersuuteqarniarput. Nalunaarut naleqqussarneqarpat tapiissutinit pisiinnerusumik pisoqartalissaaq, tunisassiorfiit aasaanerani sulisussaminnik amigaaqartut ajornannginnerusumik sulisussarsinnaalissapput.

Naalackersuisut pilersaaruteqarput suliffissarsiortut sulisussarsiortullu nittartagassannik 2015-ip naajartornerani pilersitsissallutik. Nittartagaq atorneqaleriarpat suliffissarsiuussisarfiiit suliffissaaleqisunut maannamit pitsaanerungaartumik suliffissarsiornerini siunnersuisinnaalissapput. Suliffissarsiortut illoqarfinni allani suliffiusinnaasut, arajutsisimasaat, nittartakkakut takusinnaalertulissavaat. Nittartagaq atorneqaleriarpat suliffissarsiortup aamma maannamit ajornannginnerusumik takusinnaalissavaa sulisitsisunit sulinermut atatillugu ilinniarsimanermut suut piumasaqaataanersut.

3-mut:

Inuussutissarsiutigalugu aalisarsinnaaneq akuersissummik peqarnissamik piumasaqaatitaqarpoq, aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 9, 17. juli 2014-meersoq naapertorlugu. Piumasaqaatit ilagaat aalisartoq ukiup siuliani akuersissummik pigisaqarsimassasoq.

Naalackersuisut immikkut akuersissummik pissarsisinnaanermut periarfissiisimapput. Aalisartunut inuusuttunut 18-init 29-llu akornanni ukioqartunut imaani aalisarnermut ilinniagaqarsimasunut, Aalisarnermut Piniarnermullu Ilinniarfimmi ilinniarsimasunut imaluunniit assingusumik ilinniartinneqarsimasunut immikkut akuersisoqarsinnaavoq. Immikkut akuersisoqarnissamut tunngaviuvoq pineqartup inuussutissarsiutigalugu aalisariuteqarnissaa aamma pisariaqartinneqartunik atortoqarnissaa.

Naalackersuisut ataavartumik Nalunaarutit nalimmassartariaqarnersut nalilersortuarpaat, matumani naalackersuinikkut anguniakkat inatsisiliornermut nalimmassarneqaqqullugit.

Inussiarnersumik inuulluaqqusillunga

Karl-Kristian Kruse